

肆

古  
方  
選  
註



夫士君子立言不有竄  
學焉能附於古聖賢之  
末非有卓識又安能窺  
夫古聖賢之心余嘗披  
閱醫方而攻今家註釋  
欲求溯其源披其微者

不少槩見蓋方之微妙  
窅奧非一言可蔽其於  
經絡異手足藥品配氣  
味補瀉分寒熱苟未能  
扼其要旨而謀為註解  
謂可上契往哲下示來

茲烏乎信哉且軒岐以  
後代有良方而神明變  
化莫過於仲景讀其一  
百一十三方三百九十  
七法悉從和寒溫汗吐  
下六劑中化出分條共

貫有造化生心之妙乃  
今之醫徒務涉獵而於  
立方精義往往習焉不  
察無異買櫝還珠鮮有  
得其要者東吳王子晉  
三以通儒而深研醫理

挾術以遊全活不可數  
計蓋從事於斯者垂五  
十年深思力學得之有  
素於仲景之書如探珠  
赤水獨得領下一顆集  
成古方選註三卷十三

科靡不備錄闡幽發隱  
各極其微雖不皆仲景  
之方要皆與仲景之旨  
默相契合者余於戊戌  
歲監司京口一見若有  
夙契抵掌而談頗愜素

心罷官日僑居吳門又  
時相往還期與共明斯  
道辛夷春出是藁相示  
其所註湯液句櫛字比  
而力闡乎立方命意之  
所以然展卷再三讀心



開目明者久之愧余自  
束髮以來即好軒岐之  
學於帖括吏牘之暇嘗  
取靈素傷寒金匱諸書  
為之註疏自以為得古  
人之萬一今觀王子所

選註又覺珠玉之在前  
矣殆仲景之功臣古昔  
聖賢之羽翼也以之砥  
俗學而示來茲其中流  
之一壺也夫余髦矣一  
官去守匆匆北歸不能

更與王子把臂朝夕疑  
義相晰不勝黯狀書此  
為序兼誌別焉 昔

維正辛亥季春年家弟  
栢鄉魏荔彤念庭氏題



十三科絳雪園古方選註總目

序 目錄

條目

傷寒科

內申明 寒 溫 汗 吐 下 六 經  
附 蜜 煎 導 猪 膽 導

內科

內科丸方

女科

女科丸方

外科

幼科

古方選註

總目

痘疹科

附痧疹

眼科

附耳鼻

咽喉科

附口齒

折傷科

金簇科

祝由科

符禁科

得宜本草

內別上中下三品

雪園古方選註條目

仲景傷寒論辨六經為病非辨風寒也其方亦以上下  
表裏寒熱為治非專治傷寒也和寒溫汗吐下六者為  
祖方蓋方之有祖猶字之有母由茲或複或減或因或  
變擴成一百一十三方并并有條絲絲入籠標而出之  
竊謂心有所得及觀柯韻伯傷寒論翼具載靡遺可謂  
先得吾心之所同然者矣

桂枝湯和劑祖方也

白虎湯寒劑祖方也

四逆湯溫劑祖方也

麻黃湯汗劑祖方也

梔豉湯吐劑祖方也

承氣湯下劑祖方也

梔豉湯瓜蒂散宣可決壅也

五苓散十棗湯通可行滯也

附子湯理中丸補可扶弱也

陷胸湯承氣湯抵當湯洩可去閉也

麻黃湯葛根湯輕可散實也

龍骨牡蠣湯重可鎮怯也

石脂丸桃花湯澁可去脫也

猪膽導蜜煎導滑可去着也

麻黃連軹赤小豆湯燥可去濕也

黃連阿膠湯潤可去枯也

白虎湯寒能勝熱也

白通湯四逆湯熱可制寒也

桂枝湯解肌表之汗是宣發形肉之陽氣也

麻黃湯發經絡之汗是疏通血脉之陰氣也

葛根湯解肌肉之汗是升提津液之清氣也

大青龍湯泄胸中之汗清內擾之陽氣也

小青龍湯發心中之汗滌內蓄之水氣也



麻黃湯邪傷營而不傷形者竟發汗以散邪也

桂枝湯邪傷衛而已傷形者服之歠粥漬形以為汗也

麻黃細辛湯用附子升腎液以為汗也

附子湯用人參固腎液以止汗也

柴胡湯重用寒涼陽經之邪不欲其太升也

烏梅丸重用辛熱陰經之邪不欲其太收也

麻黃湯病從外之內者仍治其外也

梔豉湯病從內之外者仍調其內也

桂枝湯病雖入裏而表症仍在者當先和其表也

調胃承氣湯症雖有表而裏症甚者當先調其內也